



UNIVERSITÄTS-
BIBLIOTHEK
PADERBORN

M. Antonij Maioragij|| Orationes|| Et Praefatiōnes

Majoragio, Marcantonio

Monasterii VWestphal., 1599

VD16 ZV 10313

X. In Ciceronis de Oratore ad Quintum Fratrem libros treis.

[urn:nbn:de:hbz:466:1-68843](http://urn.nbn.de/hbz:466:1-68843)



IN M. TVLLII CICERONIS

De Oratore ad Quintum Fratrem,
Libros treis.

P R A E F A T I O X.

LVsciniam, Auditores, vnam ex auibus, maximè solent ī, qui Naturas animalium scribunt, admirari; quod in tam paruo corpusculo tam clara, tam Plin. Nat. suavis, tam magna, tam iucunda vox inueniatur: quod Hist. li. 10. verno tempore, cūm frondescere arbores incipiunt, quindecim diebus ac noctibus perpetuis, sine vlla penitus intermissione canere soleat. Vnde enim in auicula tam pertinax spiritus? vnde vis illa continenda animæ in canendo tanta, vt vna continuatione cantionis, binæ contentiones vocis & remissiones continantur? vnde tam artificiosa, tamq; perfecta Musica & scientia? tam ingeniosa modulatio? tam gratus auribus sonus? qui modò in longum continuo spiritu trahatur, modò summa quadam cūn varietate flectatur: nunc concisa voce distinguatur, nunc intorta copuletur? Quid, cūm iterum vocem reuocat, & integra comprehensio ne cantum edit? quid, cūm modulos nec opinatò drepenteq; comutat? quid, cūm ipsa secum iucundè tacita

85 4 mur-

IN

murmurat? Nulla me hercle tam abstrusa, tam difficilis, tam varia cantio est, quam non exprimat via Luscinia; plenam, grauem, acutam, crebram, extemam, summam, medium, imam. Quid plura? Tam parvula in faucibus omnia, qua tanto labore, tanta industria, tanto studio, tot inuentis instrumentis, generacionum ars hominum excogitauit, integra atque perfecta reperiuntur. Estne huic auctorae per quam simili in dissimili genere Cicero noster, Auditores? Esi projecto. Nam in hoc uno tam perfecta, atque absoluta prorsus omnis dicendi ratio, ut in suo genere non minor sit admirationi, atque haud scio, an etiam maior, quam Luscinia: qui dono quodam (yt ait Fabius) Prudentiae genitus est, in quo totas vires suas eloquentia experiretur: clarus, suavis, iucundus, gravis: qui digne ingenij felicitate, quicquid in omnibus a iis auditoribus admirabile, politum, ingeniosum, eximum reputatur, id suis in Operibus totum effinxit. In hoc uno va Demosthenis, copia Platonis, iucunditas Iosocratis amersa continetur. Quis enim hoc in probando subtiliter in delectando temperatior? in flectendo vehementior? Quis, cum opus est, submissum illud & humile, confutudinem innitans, dicendi genus melius & acutius exequitur? Quis insigne & florens orationis, pictum & expolitum genus illud, in quo omnes verborum, omnes sententiarum illigantur lepores, quod, quasi stelle, quodam, translatata verba, atque immutata plurimum illustrant, dulcius tractat, aut suavius? Quis in illo sublimi dicendi genere splendidior, grauior, copiosior, ornatus? Iam vero cum duo sint, quae bene tractata ab Oth.

Inst. Orat.
lib. 10. c. 1.

tore, admirabilem eloquentiam faciant: quo- In Orator.
rum alterum est, quod Graci ἡθικὸν vocant, ad natu- ad Brutum
ram, & ad mores, & ad omnem vitā consuetudinem p. 208. b.
accommodatum: alterum, quod idem παθητικὸν no- Suprapref.
minant, quo perturbantur animi & concitantur, in 6. pag. 599.
quo uno regnat Oratio: illud superius come, iucundum,
ad benevolentiam comparandam paratum: hoc vehe-
mens, incēsum, incitatum, quo causa eripiuntur; quod,
cum rapide fertur, sustineri nullo pacto potest: in utro-
que certè genere plurimum excellit Cicero. Sed poste-
rior in tanto semper impetu usus est, ut saepe aduersarios
de statu omni deicerit. Huic pro familiari reo sum-
mus Orator non respondit Hortensius: ab hoc homo au-
daciissimus Catilina, in Senatu accusatus, obmutuit:
huic priuata in causa magna & graui, cum cœpisset
Curio patet respondere, subito assedit, cum sibi venenis
eruptam memoriam diceret. Quid de miserationibus
dicam? quibus adeò vehementer vi solebat, ut saepissi-
mè totum forum, eo dicente, questibus & lamentatio-
nibus impleretur: ut etiamsi plures Oratores vna dice-
rent, Ciceroni tamen omnes perorationem relinque-
rent: in qua tantum excellebat, ut ab hominibus suæ & Quint. In-
tatis regnare in iudiciis dictus sit. Hic igitur tam exi- stit. Orat.
muis, tam præstans, tam diuinus Orator, non conten- lib. 10. c. 10
tus ea, quam ipse magnis laboribus & vigilijs consecu-
tus erat, eloquentia; voluit etiam more Lusciniae (ne
ab huius auis exemplo disscedam) pullos suos iucundissi-
mis & suauissimis cantionib, erudire. Tradunt enim,
hanc auiculam mirè de suis filijs esse sollicitam, ut recte
modulare q̄ canere discant: at q̄ ideo iuniores expa-
88 5 rentum

rentum institutione , magistras summa cum attentio-
ne solent audire , versusq; , quos imitentur, accipere:
quos deinde magna cum diligentia recitent. Quadam
enim vicissitudine , quo melius atque facilis doceant,
modo canentes parentes audiunt: modo , quando
audiere secum ipsa meditantur, & attentiore
rapromere contendunt. Itaq; fit, vt si quae parvulae
pianitur , cum nondum canere didicerint , arque iner
homines alantur , longe deterius canant: quoniam an-
te legitimū tempus a magistris subduet & fuerint. Quid
ergo ? nonne eadem ratione Cicero cantus nostros, id
est, orationem, qua si polita atq; ornata fuerit, omnem
cantionem dulcedine superat, praceptis & instruc-
tionibus Rhetoriciis expolire atq; exornare contendit? qui
cum multa iuuenis adhuc ac penè adolescens de arte
dicendi praecpta tradidisset : postea cum per multis
annos in causis cuiusque generis versatus, tantum ho-
noris ac dignitatis esset assecutus, vt Cicero non iam ho-
minis, sed eloquentiae nomen haberetur: voluit aliquod
Opus elegantius atq; admirabilius extare, quo & va-
riam & mirificam in omni genere doctrinam suam
stenderet , & ad certam dicendi rationem, atque al-
sumnum eloquentiae fastigium viam præmovere.
Quamobrem hos de Oratore Libros ad Quintum Et-
trem conscripsit : in quibus quicquid erat eloquentiae,
quicquid ingenij, quicquid artis, quicquid eruditioris,
expressit: vt nullum unquam neq; apud Gracos, neq;
apud Latinos hoc in genere præstantius Opus fuerit, nullum
esse possit. Mira profectores est, si quis diligenter ob-
uertat: Ab uno aliquo mortali homine tā varium, tan-

elaboratum tot disciplinis, tot reconditis reb. & qua-
 stionibus refertum Opus excogitari potuisse: cum pra-
 serim tot negotijs publicis, tot occupationibus, tot im-
 pedimentis semper Cicero distractus fuerit. Quin adeo
 diligens atq; industrius in hoc Opere fuit, ut personas,
 quas loquentes inducit, ita representet, ut non Auto-
 rem Operis, sed ipsas Personas loqui existimes. Quid
 enim Scœvolæ grauitate dignius? Craſi vbertate flori-
 dius? Antonij subtilitate pressius? Evidem ita censeo,
 Auditores: si quis hos tres de Oratore Libros benè per-
 ceperit, etiamſi nihil aliud prorsus intelligeret, eum
 docte, grauiter, & ornatè posse dicere. Quid enim est
 in vlo doctrinæ genere tam abſtrusum, tam recondi-
 tum, tam nouum: cuius non aliqua ſint in hoc Opere
 non ſanè leuiter expreſſa veſtigia? Quarantur omnia
 tum Græcorum, tum Latinorum dicendi præcepta, at-
 que in vnum conſeruantur: certè cum hoc uno Opere, ne
 que orationis grauitate, neq; varietate rerum, neq; e-
 legantia sermonis, neque alia quauis laude comparari
 meritò poterunt. Quo fit, ut hos ego non Libros, ſed re-
 rum omnium pulcherrimarum Thesauros appellare
 ſoleam: quoniam in eis inuenio tanquam reposita ſcien-
 tiarum omnium ornamenta maxima. Neque tamen
 ideo, quamuis eruditio niſi pleni ſint, minus eſt in eis iu-
 cunditatis. Rerum enim varietas eiusmodi eſt, ut no-
 stroſ animos oblectare maximè poſbit: cum tam ma-
 gnifice, tam egregie ſuis laudibus Orator veſtiatur:
 tam grauiter & ornatè, quid valeat Oratoria facul-
 tas, explicetur. Suauissimum certè eſt, videre, quid Ora-
 tor in natura, quid ſtudiū, quid exercitatio coſerat: cur

eum

eum Historia, cur Poësis, cur Philosophia, cur lumen
plurimum adiuuet: quam latè dicendi materia pale-
at: quæ sint Oratio propositæ & quæstiones, quæ sic docen-
di ratio, quæ delectandi, quæ monendi: quo modo fieri
possit, ut sermo facetus, ac nulla in re rudis appareat:
qui sint affectus orationis initio tentandi, qui perorata
causa concitandi: ex quibus locis ad faciendam pœmam
argumenta sumenda sint: quibus quasi luminibus tota
illustretur oratio, totaq; dilucida, probabilis, aperta,
suavis efficiatur. Hac ea sunt, quibus alitur adolescentia:
quæ diligent er audire, meditari, memorie muni-
dare iuuenes debent, in quibus continenter exerceri,
dies noctesq; versari, atq; infudare pulcherrimum.

Hac in parte maxime nobis imitandæ Lusciorum,
quæ cantionum dulcedinem, & harmoniam suauem,

quam in voce parentum auditum, omni studio reuent

Citat Cic. contendunt. Vnus est eloquentiae parens Cicero: cum

2. de Orat. oratio quois melle dulcior est, sapientissimus sententia:

125. b. & 1. De Diuinis, is, graibusq; verbis ornata & perpolita, qua merita

97. a. flexamina atq; reginarerum dici potest: ita de horri-

dis rebus nitida, de ieunis plena, de perulgatis non

videri solet: grauis, erudita, liberalis, admirabilis.

Vnus est à nobis hic Auctor imitandus, vnuſ ſe-

ſpiciendus, vnuſ ſemper in manibus habendus: in

iis ſententias, huius verba, huius numeros omni cura,

studio, diligentia persequi debemus: qui diſtinctè, qui

explicatè, qui abundantter, qui illuminatè, & rebus &

verbis dicit: & in ipsa oratione quaſi quendam nume-

rum, verbumq; conficit. Hunc si aliquo modo ſectas

atq; adumbrare cupimus: quoniam equare non modi

qui

quisquam non potest, sed ne sperare quidem debet: *Ci.de Clas*
Verborum in primis delectus habendus est: quod Elo- *Ora. pag.*
quentiae principium esse Cæsar dictitabat: ut nullam *188. a.*
penitus dictionem, nullam vocem admittamus, quæ nō
elegans, Latina, Ciceroniana esse videatur. Deinde
compositionis ratio diligens adhibenda est, ut neq; aspe-
ros habeat concursus, neq; disjunctos atq; hiantes. Tu
rerum ordinem, & argumentorum collocationem at-
que probabilitatem aduertere, diligenterq; imitari
oportet. Postremo sententiarum & verborum lumina,
quas vel figuræ, vel exornationes appellamus, summa
cum industria persequenda sunt: quibus qui tam fre-
quenter utitur Cicero, sunt qui putent, eius eloquenti-
am vel hac vna de causa summopere esse laudandam.
Sed hæc non nisi acrystudio, magna diligentia, summo
labore, longa exercitatione percipi possunt. Itaq; non
mirum est, si tam rari sunt ij, qui Ciceronianam dicen-
di maiestatem, & eloquentiae virtutes exprimant:
quoniam pleriq; vel imitandi rationem ignorant, vel
laborem omnino refugiunt. In hac enim parte plurimi
decipiuntur, qui cum aliquas ex Cicerone clausulas
excerperint, atq; in suis scriptis collocarint, se germanos
atq; veros Ciceronis unitatores arbitrantur. Cum
imitatio vera non in verbis tantum, sed in rebus magis
atq; ordine constet: neq; quisquam rectè Ciceronem
imitari possit, nisi qui studijs iisdem, quibus ille utetur,
se totum tradiderit: ut non tantum verba (quod
plerique faciunt) sed etiam sensus, & virtutes (quod
pauci facere possunt) intelligat. Habet enim hoc pro-
prium & quasi peculiare Cicero, ut longè grauiores &

654 M. ANT. MAIORAGII

reconditores plerunque sententias in se habeat, quam
prima fronte præse ferre videatur. Ut non sine causa
Quintilianus dixerit: Ille se profecisse sciat, cui Cice-
ro valde placebit. Quid si usquam Cicero dictum
summam atque eruditionem ostendit: in his certis libris
tam multa recondita sunt, & ex intimis disciplinis de-
cerpta, atque delibata, ut nihil doctius aut eruditius ex-
cogitari possit: quæ non nisi magno studio, diligentia
consideratione possunt intelligi. Quare mihi vestra
pus erit attentione, auditores, dum has Latine Logica
dicitas, hos eloquentiae fontes, hos rerum preciosissi-
marum Thesauros interpretatione me a vobis queram.
Quos si degustare semel cœperitis; non tam summa
ex eis utilitatem, sed etiam tam incredibilem au-
tatem percipietis, ut nihil vos aliud magis de-
lectare possit. Sed iam Ciceronem
ipsum audiamus.

Lib. 10.
Cap. 1.



IN